

**AKT THEMELIMI DHE STATUTI  
I SHOQËRISË ME PËRGJEGJËSI TË KUFIZUAR  
“EBO PHARMA” sh.p.k**

**Titulli I  
Emërtimi – objekti  
Selia – kohëzgjatja**

**Neni 1**

Sot në Tiranë më datë 24.09.2021, ne Ortakët dhe themelues të shoqërisë :

- **JULIANA ALLIU**, e bija e Jonuz dhe Dhurata, e datëlindjes 19.03.1994, lindur në Bulqizë dhe banues në Tiranë, me adresë rr. “Ali Demi”, identifikuar nëpërmjet letërnjoftimit ID me Nr. J45319007W., madhore e me zotësi juridike të plotë për të vepruar.
- **MIRA PACANI**, e bija e Gezim dhe Betulla, e datëlindjes 13.08.1965, lindur në Memaliaj dhe banues në Tiranë, me adresë rr. “Medar Shtylla”, identifikuar nëpërmjet letërnjoftimit ID me Nr. G50813021H, madhore e me zotësi juridike të plotë për të vepruar.
- **TATJANA BICA**, e bija e Nexhip dhe Lale , e datëlindjes 17.07.1961, lindur në Tiranë dhe banues në Tiranë, me adresë rr. “Margarita Tutulani”, identifikuar nëpërmjet letërnjoftimit ID me Nr. G15717032W, madhore e me zotësi juridike të plotë për të vepruar.

Vendosëm të themelojmë shoqërinë me përgjegjësi të kufizuar **“EBO PHARMA” sh.p.k.**

**Neni 2**

Objekti i aktivitetit të shoqërisë **“EBO PHARMA” sh.p.k** është:

- 2.1 Import - Eksport dhe tregtimin me pakicë, shumicë të medikamenteve mjekësore, barnave mjekësore, lëndëve medikamentoze, barnave për shitje të lirë dhe të atyre që jepen me recetë mjekësore, produkteve kozmetike, produkteve fizioterapeutike, omeopatike, suplementeve farmaceutike, vitamina, etj.
- 2.2 Prodhimin dhe amballazhimin e produkteve të ndryshme farmaceutike, kozmetike, shtesave ushqimore, pajisje mjekësore, materiale mjekimi, produkte galenike, amballazhimin e barnave te importuara.
- 2.3 Shoqeria do të veproj gjithashtu si importues farmaceutik, eksportues farmaceutik dhe shpërndarës farmaceutik me shumicë, nëpërmjet krijimit të një depo barnash, në të njëjtin vend ku ajo do të ketë edhe selinë e saj.
- 2.4 Importimin, eksportimin dhe tregtimin me shumicë dhe pakicë të pajisjeve, produkteve dhe instrumentave mjekësore, elektro-mjekësore dhe farmaceutike, të pajisjeve, sistemeve dhe impjanteve spitalore, të materialeve mjekësore dhe

shëndetësore, pajisjeve dhe materialeve laboratorike, reagenteve dhe kiteve të ndryshme diagnostikuese.

- 2.5 Prodhim dhe amballazhim të dizinfektanteve të ndryshëm.
- 2.6 Import - Eksport të lëndëve të para, ndihmëse dhe materialeve për pakëtim. Shoqëria mund të kryejë edhe çdo lloj aktiviteti tjetër ndihmës dhe të nevojshëm, që ka lidhje të mjaftueshme me këtë objekt aktiviteti dhe që nuk ndalohet nga ligjet Shqiptarë në fuqi.
- 2.7 Hapjen e farmacieve; Shoqëria ka të drejtë të ndryshojë objektin e veprimtarisë së saj në çdo kohë siç parashikohet në këtë statut. Shoqëria mund të marrë të drejtën e përfaqësimit në Shqipëri të individëve, shoqërive apo organizatave vendase apo të huaja .

### **Neni 3**

- 3.1 Selia e shoqërisë “**EBO PHARMA**” sh.p.k do të jetë në Tiranë, Njësia Administrative Nr. 1, Fusha e Ali Demit, Pallati mbi BKT Bank, Hyrja 16, Kati 3, Shqipëri.
- 3.2 Selia e shoqërisë mund të transferohet kudo brenda territorit të Republikës së Shqipërisë me një vendim të Asamblesë së ortakëve të shoqërisë.

### **Neni 4**

Rezidencia ligjore e Ortakëve për çdo raport me shoqërinë është selia e shoqërisë.

### **Neni 5**

Kohëzgjatja e shoqërisë është e pakufizuar.

### **Neni 6**

Shoqëria mund të krijojë degë apo përfaqësi të saj brenda ose jashtë territorit të Republikës së Shqipërisë.

## **Titulli II Kapitali i shoqërisë dhe kuotat**

### **Neni 7**

Kapitali themeltar i shoqërisë përbëhet nga kontributë në të holla me vlerë prej 300 000 (treqindmijë) lekë, e cila do të depozitohet në llogari të shoqërisë, në një Bankë të nivelit të dytë, pas regjistrimit në QKB .

### **Neni 8**

#### **Vlera dhe pagesat e kapitalit të regjistruar**

Ortakët e Shoqërisë dhe kuotat e zotëruar prej tyre në Shoqëri janë si më poshtë:

  
2

**Znj. Juliana Alliu, 90.000 lekë**, zotëron 1 kuotë që përfaqëson 30% të kapitalit të Shoqërisë.

**Znj. Mira Pacani, 90.000 lekë**, zotëron 1 kuotë që përfaqëson 30% të kapitalit të Shoqërisë.

**Znj. Tatjana Bica, 120.000 lekë**, zotëron 1 kuotë që përfaqëson 40% të kapitalit të Shoqërisë.

### **Neni 9 Zvogëlimi osë Zmadhimi i Kapitalit Themeltar**

- 9.1 Kapitali mund të zmadhohet ose zvogëlohet me Vendim të Asamblesë së Përgjithshme të Ortakëve, në përputhje me Kapitullin IV, të këtij Statuti dhe kërkesave të detyrueshme të ligjit të shoqërive.
- 9.2 Zmadhimi i kapitalit mund të realizohet me anë të kontributeve në para, me anë të kontributeve në natyrë ose me përfshirjen e rezervave (nëse ka) dhe fitimit.
- 9.3 Rritja e kapitalit do të bëhet me kuota të reja apo me rritjen e vlerës së kuotave ekzistuese. Pjesët e reja të kapitalit themeltar do të nënshkruhen dhe vlera e tyre nominale do të paguhet plotësisht.
- 9.4 Zmadhimi i kapitalit nuk do të dobësojë pjesët e interest të Ortakëve në Kapitalin e Shoqërisë, përvecse kur ortakët do të bien dakort ndryshe me vendim unanim të Ortakëve.
- 9.5 Me qëllim zvogëlimin e kapitalit të Shoqërisë, nëpërmjet vendimit për zvogëlimin e kapitalit, Ortakët mund të autorizojnë Administratorin/Administratorët të bëjnë blerjen e kuotave përkatëse apo pjesëve të tyre dhe ti anulojnë ato.

### **Neni 10 Çertifikata e kuotave**

- 10.1 Secili ortak ka të drejtë të përfitojë një çertifikatë për kuotën e zotëruar prej tij. Shoqëria nuk është e detyruar të lëshojë më shumë se një çertifikatë për kuotat e zotëruara bashkarisht nga disa persona dhe dorëzimi i çertifikatës ndaj përfaqësuesit të zotëruesve të kuotave, në përputhje me pikën 2 të nenit 72 të Ligjit.
- 10.2 Emrat e zotëruesve të përbashkët të kuotave do të renditen në çertifikatën e kuotës.
- 10.3 Çertifikata nuk do të gjëzojë cilësinë e letrës me vlerë.

### **Neni 11**

- 11.1 Pjesët e kapitalit themeltar janë lirisht të transferueshme midis ortakëve.
- 11.2 Kuotat e kapitalit të shoqërisë e të drejtat që rrjedhin prej tyre mund të fitohen apo kalohen nëpërmjet:
  - a) kontributit në kapitalin e shoqërisë;
  - b) shitblerjes;
  - c) trashëgimisë;
  - ç) dhurimit;
  - d) çdo mënyre tjetër të parashikuar me ligj..

- 11.3 Në rast se një ortak do të shesë, transferojë, ose të disponojë në mënyra të ndryshme pjesë apo të gjithë kuotën e tijë, Ortaku tjetër do të ketë të drejtën e parablerjes, kundrejt blerësve të tjerë. Nëse Ortaku me të drejtë parablerje do të ketë bërë një ofertë dhe kjo ofertë është refuzuar nga Ortaku që shet, atëherë Ortaku që shet nuk do të ketë të drejtë të shesë kuotën tek një blerës tjetër me çmim më të ulët se çmimi i ofruar nga Ortaku i preferuar.
- 11.4 Njoftimi për shitje do të bëhet me shkrim. Nëse brenda një muaji askush nga ortakët e shoqërisë nuk ofrohet për t'i blerë, atëherë shitësi është i lirë t'i shesë kuotat jashtë bashkësisë së shoqërisë.
- 11.5 Personi që kalon kuotën dhe ai që e fiton atë përgjigjen në mënyrë solidare ndaj shoqërisë për detyrimet që rrjedhin nga zotërimi i kuotës, nga çasti i kalimit të kuotave, deri në çastin e regjistrimit të kalimit të kuotave.
- 11.6 Shoqëria regjistron kalimin e kuotës sipas nenit 43 të ligjit “Për Qendrën Kombëtare të Regjistrimit”. Regjistrimi i kalimit të kuotave ka efekt deklarativ.
- 11.7 Transferimi i kuotave ortakëve të shoqërisë apo të tretëve që nuk bëjnë pjesë në shoqëri do të bëhet me shkrim dhe do të vërtetohet nga Noteri Publik.

### **Neni 12 Blerja e kuotave të veta**

Shoqëria mund të blejë kuotat e veta, dhe të kryejë pagesa për blerjen e tyre. Këtë mund ta bëjë vetëm nëse shoqëria ka aftësi paguese, sipas termit dhe përkufizimeve të nenit 77 të ligjit. Nëse nuk respektohen parashikimet e ligjit për këtë qëllim, atëherë mund të ngrihen padi qoftë kundër administratorit ashtu edhe kundër shoqërisë.

### **Titulli III Asambleja e Përgjithshme**

#### **Neni 1 Thirrja e Asamblesë së Përgjithshme**

- 13.1 Asambleja e Përgjithshme e shoqërisë thirret nga Administratori/Administratorët I/E shoqërisë në çdo kohë kur e kërkijnë jo më pak se 5 % e kuotave të kapitalit të shoqërisë (personat që zotërojnë këtë përqindje kapitali). Në kërkeshën e tyre ortakët sa më sipër duhet të rendisin shkaqet se përsë kërkohet mbledhja e Asamblesë së Përgjithshme. Me të marrë këtë kërkeshë Administratori/Administratorët i/e shoqërisë është i detyruar të caktojë datën e mbledhjes dhe të bëjë njoftimet përkatëse sipas ligjit.
- 13.2 Mbledhja e Asamblesë së Përgjithshme thirret nëpërmjet një njoftimi të dërguar me postë ose postë elektronike (*e-mail*) drejtar çdo Ortaku përfshirë edhe përfaqësuesin e kuotave në zotërim të përbashkët. Njoftimi duhet të kryhet të paktën shtatë Ditë të Plota përpara datës së caktuar për mbledhjen, përvèç rasteve kur njoftimi i mbledhjes së Asamblesë së Përgjithshme, i cili përmban një afat më të shkurtër është miratuar nga shumica e ortakëve të cilët zotërojnë jo më pak se 80 % të kapitalit të shoqërisë. Secilit ortak.

- 13.3 Mbledhjet e Asamblesë së Përgjithshme janë të pavlefshme në rast moskryerje të paqëllimshme të njoftimit apo mosmarrjes së njoftimit të mbledhjes nga personat të cilët kanë të drejtë të marrin këtë njoftim, me përjashtim të rastit kur shoqëria provon se personi i ka dhënë shoqërisë një adresë të pasaktë.

**Neni 14**  
**Mbledhjet e Asamblesë së Përgjithshme**

- 14.1 Asambleja e Përgjithshme merr vendime të zakonëshme të vlefshëm, me shumicë votash vetëm nëse në mbledhjen e saj marrin pjesë ortakët me të drejtë vote që zoterojnë jo më pak se 50 % të kuotave të kapitalit të shoqërisë.
- 14.2 Për vendimet e asamblesë lidhur me: ndryshimin e statutit, zmadhimin apo zvogëlimin e kapitalit të regjistruar, shpërndarjen e fitimeve, ri-organizimin dhe prishjen e shoqërisë, mbledhja e asamblesë është e vlefshme nëse në të marrin pjesë ortakë me të drejtë vote (vetë ose të përfaqësuar) që zoterojnë jo më pak se 70 % të kuotave të kapitalit. Vendimet e asamblesë për çështjet sa sipër duhet të merren nga jo më pak se 2/3 e votave të ortakëve pjesëmarrës.
- 14.3 Ortakët ose përfaqësuesit e autorizuar mund të marrin pjesë nëpërmjet mjeteve elektronike, përfshirë telekonferencën (*conference call*), audio ose audio –video, në përputhje me nenin 88 të Ligjit.
- 14.4 Administratori/Administratorët cakton Kryetarin e mbledhjes si dhe një person për të mbajtur procesverbalin e mbledhjes.
- 14.5 Nëse Administratori/Administratorët nuk dëshiron të caktohet si kryetar i mbledhjes ose nëse administratori nuk është i pranishëm për pesëmbëdhjetë minuta duke filluar nga ora e caktuar për fillimin e mbledhjes, ortakët e pranishëm dhe me të drejtë votë zgjedhin njërin prej tyre si kryetar të mbledhjes.
- 14.6 Administratori, (edhe kur nuk është ortak) ka të drejtën e pjesëmarrjes si dhe të marrë fjalën në çdo mbledhje të Asamblesë së Përgjithshme.
- 14.7 Kryetari , me pëlqimin e Asamblesë së Përgjithshme të mbledhur në përputhje me kuorumin e caktuar me ligj , mund (dhe është i detyruar nëse kërkohet nga Asambleja e Përgjithshme) të shtyjë mbledhjen e Asamblesë së Përgjithshme, por në mbledhjen e dytë mund të diskutohen vetëm ato Çëshje të cilat do të ishin diskutuar irregullisht nëse do të ishte shtyrë mbledhja e mëparshme. Kur mbledhja e Asamblesë së Përgjithshme shtyhet të paktën katërbëdhjetë ditë, njoftimi do të kryhet të paktën shtatë ditë të Plota përpara kësaj date dhe në të do të përcaktohet ora dhe vendi i mbledhjes së shtyrë dhe përshkrimi I përgjithshëm I rendit të ditës. Në rast të kundërt , dhënia e njoftimit nuk është e nevojshme.
- 14.8 Asambleja vendos me votim të hapur me përjashtim të rastit kur përpara ose gjatë deklarimit të rezultatit, nuk kërkohet në mënyrën e duhur një votim i fshehtë. Votimi i fshehtë mund të kërkohet nga :
- *Administratori*;
- Një ortak ose ortakët që përfaqësojnë të paktën pesë përqind të kapitalit themeltar të shoqërisë. Kërkesa e bërë nga një përfaqësues i autorizuar I Ortakëvet ka të njëjtën vlerë me kërkeshën e paraqitur nga vetë Ortakët .
- 14.9 Me përjashtim të kundërshtimit të një Ortaku deklarimi i kryetarit se vendimi është marrë në mënyrën unanime, ose me shumicë të caktuar, nuk është miratuar ose nuk



është miratuar me një shumicë të caktuar dhe regjistrimi përkatës në procesverbalin e mbledhjes përbën provë përfundimtare të këtij fakti, pa pasur nevojë për numërimin e votave të regjistruara pro ose kundër vendimit.

- 14.10 Në rast se ka kundërshtime për këtë deklaratë do të zhvillohet një votim i fshehtë në lidhje me përcaktimin e numrit të votave pro dhe kundër vendimit.

### **Neni 15 Votat e Ortakëve**

- 15.1 Në përputhje me të drejta ose kufizimet që rrjedhin nga kuotat, çdo kuotë i jep Ortakut (në rastin kur është individ) të pranishëm apo përfaqësuesit e tij të autorizuar ose Ortakut (në rastin kur është person juridik) i cili është i pranishëm përmes përfaqësuesit të tij ligjor apo përfaqësuesit të autorizuar në mënyrë të rregullt, të drejtën e një vote.
- 15.2 Asnjë ortak nuk do të votojë në mbledhjen e Asamblesë së Përgjithshme, personalisht ose nëpërmjet përfaqësuesve, në lidhje me kuotën e zotëruar prej tij, nëse nuk ka shlyer tërësisht detyrimet që kanë të bëjnë me këtë kuotë.
- 15.3 Çdo kundërshtin në kohë për cilësinë e një votuesi do ti komunikohet Kryetarit, vendimi i të cilit do të jetë përfundimtar. Të gjitha votat e pakundërshtuara në një mbledhje ose mbledhje të shtyrë do të janë të vlefshme.

### **Neni 15 Votimi me Prokurë**

- 16.1 Përfaqësuesi do të emërohet nga Ortaku në formën e zakonshme apo në formën që mund të caktohet nga administratori). Caktimi me shkrim i përfaqësuesit ose një kopje e noterizuar apo e miratuar nga administratori depozitohet në selinë e shoqërisë ose në një vend tjeter brenda territorit të Republikës së Shqipërisë, siç përcaktohet në njoftimin për mbledhjen e Asamblesë së Përgjithshme ose në ftesën për të caktuar një përfaqësues të dërguar nga shoqëria në lidhje me Mbledhjen e Asamblesë së Përgjithshme. Akti i emërimit duhet të depozitohet jo më vonë se 48 orë përpara orës së mbledhjes së shtyrë, në të cilën duhet të votojë përfaqësuesi.
- 16.2 Në rast se akti i emërimit të përfaqësuesit jepet nëpërmjet komunikimit elektronik të dërguar në adresën elektronike (email) sipas përcaktimeve të pikës 3 e të nenit 4 të këtij Statuti, ky akt duhet të merret jo më vonë se 48 orë përpara orës së mbledhjes ose maledhjes së shtyrë në të cilën duhet të votojë përfaqësuesi.

### **Neni 17 Të Drejtat dhe Detyrimet e Asamblesë së Përgjithshme**

Asambleja e Përgjithshme është përgjegjëse për shoqërinë për marrjen e vendimeve të mëposhtëme:

- Përcaktimin e politikave tregtare të shoqërisë;
- Ndryshimet e statutit të shoqërisë;
- Emërimin e shkarkimin e administratorëve;
- Emërimin dhe shkarkimin e likuiduesve dhe ekspertëve kontabël të autorizuar;

- Përcaktimin e shpërblimeve për administratorët, likuiduesit dhe ekspertët kontabël të autorizuar të shoqërisë;
- Mbikqyrjen e zbatimit të politikave tregtare nga administratorët, përfshire përgatitjen e pasqyrave financiare vjetore dhe të raporteve të ecurisë së veprimtarisë;
- Miratimin e pasqyrave financiare vjetore dhe të raporteve të ecurisë së veprimtarisë;
- Zmadhimin dhe zvogëlimin e kapitalit të shoqërisë;
- Pjestimin e kuotave dhe anulimin e tyre;
- Përfaqësimin e shoqërisë në Gjykatë dhe në procedimet e tjera kundër Administratorëve;
- Riorganizimin, ndarjen, prishjen dhe likuidimin e shoqërisë.

### **Neni 18 Hetimet e posaçme**

- 18.1 Asambleja e Përgjithshme ka të drejtë të vendosë fillimin e një hetimi të posaçëm gjatë ushtrimit të veprimtarisë tregtare dhe për këtë cakton një ekspert të fushës përkatëse.
- 18.2 Ortakët që përfaqësojnë jo më pak se 5 % të kuotave të kapitalit dhe çdo kreditor I shoqërisë mund t'i kërkojnë Asamblesë së Përgjithshme të emërojë për qëllime hetimi një ekspert të pavarur të fushës. Në këtë rast nëse Asambleja brenda 60 ditëve nga depozitimi ikërkesës nuk mer vendim, kërkesa e subjekteve sa sipër vlerësohet e refuzuar. Nëse subjektet e mësipërme dyshojnë në performancën e ekspertit mund ti kërkojnë Gjykatës zëvendësimin e tij.

### **Neni 19 Largimi dhe Përjashtimi i Ortakëve**

- 19.1 Secili ortak mund të largohet nga shoqëria nëse për çfarëdolloj shkaku që ai çmon se vazhdimi i ortakërisë është i pamundur. Për këtë Ortaku duhet të njoftojë me shkrim shoqërinë, në të cilin duhet të parashtrojë dhe shkaqet e largimit. Nëse vërtetohet një rast i tillë Administratori i Shoqërisë duhet të thërrasë mbeldhjen e Asamblesë dhe do të procedohet sipas gjithë parashikimeve të neniti 101 të Ligjit.
- 19.2 Asambleja e Përgjithshme e shoqërisë mund t'i kërkojë Gjykatës së Rrethit Gjyqësor Tiranë përjashtimin e Ortakut të shoqërisë, për gjithë shkaqet e parashikuara në nenin 102 të Ligjit. Edhe për procedurën e mëpasme do të respektohen gjithë parashikimet e këtij nenit.

### **Titulli IV Administrimi**

#### **Neni 20**

Shoqëria “EBO PHARMA” sh.p.k do të administrohet nga Administratorja:

- **MIRA PACANI**, e bija e Gezim dhe Betulla, e datëlindjes 13.08.1965, lindur në Memaliaj dhe banues në Tiranë, me adresë rr. "Medar Shtylla", identifikuar nëpërmjet letërnjoftimit ID me Nr. G50813021H, madhore e me zotësi juridike të plotë për të vepruar.

Kohëzgjatja e detyrës së administratorit është 5 (pesë) vjet me të drejtë rizgjedhje.

### **Neni 21 Të Drejtat dhe Detyrat e Administratorit**

Administratori ka të drejtë dhe detyrohet:

Të kryjë të gjitha veprimet e administrimit të veprimtarisë tregtare të shoqërisë, duke zbatuar politikat tregtare të vendosura nga Asambleja e Përgjithshme e Ortakëve;

Të përfaqësojnë shoqërinë tregtare në mardhënie me të tretët dhe me gjithë institucionet shtetërore në nivel vendor dhe qëndror, madje përfaqësimi i shoqërisë në instancat gjyqësore, administrative;

Të kujdeset përmbytjen e saktë dhe të rregullt të dokumentave dhe të librave kontabël të shoqërisë;

Të përgatisi dhe nënshkruaj bilancin vjetor, bilancin e konsoliduar dhe raportimin e ecurisë së veprimtarisë si dhe propozimet përmes shpërndarjen e fitimit, duke ia paraqitur këto përmiratim Asamblesë së shoqërisë;

Të raportojë përpara asamblesë së përgjithshme në lidhje me zbatimin e politikave tregtare dhe realizimin e veprimeve me rëndësi të posaçme për shoqërinë.

Të kryejë regjistrimet dhe të dërgojë të dhënat e detyrueshme të shoqërisë sipas parashikimeve të ligjit "Për Qendrën Kombëtare të Bisnesit".

Asambleja e Përgjithshme mund ta shkarkojet në çdo kohë administratorët e shoqërisë me shumicë të zakonshme. Zgjidhja e menjëherëshme e kontratës së punës me administratorët do të bëhet në bazë të parashikimeve të Kodit të Punës së Republikës së Shqipërisë.

### **Neni 22**

Administratori i shoqërisë është i detyuar të jetë besnik ndaj shoqërisë dhe ortakëve të saj, sipas parashikimeve të neneve 14, 15, 17 e 18 të Ligjit Nr. 9901, dt. 14.4.2008 "Për tregtarët dhe shoqëritë tregtare". Administratori i shoqërisë, është i detyruar të kryejë detyrat e tij të përcaktuara në ligj dhe në këtë statut në mirëbesim dhe në interesin më të lartë të shoqërisë. Administratori është i detyruar t'i ushtrojë detyrat e tij me profesionalizëm dhe me kujdesin e nevojshëm.

Administratori i shoqërisë përgjigjet ndaj shoqërisë për çdo veprim apo mosveprim, që lidhet në mënyrë të arsyeshme me qëllimet e shoqërisë, me përjashtim të rastit kur në bazë të hetimit dhe vlerësimit të informacioneve përkatës, veprimi apo mosveprimi është kryer në mirëbesim. Nëse vërtetohet rasti sa më sipër Administratori është i detyruar të shpërblejë shoqërinë për çdo dëm të ardhur, si dhe të kthejë çdo përfitim që ai vetë apo personat e lidhur me të kanë realizuar përmes shkak të veprimeve të paligjshëm.

**Neni 23**  
**Shpërbllimi i Administratorit**

Shpërbllimi për administratorin, tej shpenzimeve të ndodhura gjatë kryerjes së detyrave normale të administrimit të shoqërisë, do të përcaktohet nga Asambleja e Përgjithshme e shoqërisë. Shpërbllimit bazë të administratorit mund t'i bëhen shtesa, që mund të jenë përqindje në fitim apo të ngashme.

**Titulli V**  
**Bilanci dhe mjetet**

**Neni 24**

Çdo vit financiar fillon në Janar dhe përfundon në 31 Dhjetor të çdo viti, duke përashtuar vitin e parë i cili fillon në momentin e regjistrimit të shoqërisë.

Llogaritë vjetore, inventarët, raportet mbi operacionet e viti financiar dhe raportet e veçantë të hartuara nga Administratori dhe eventualisht nga ekspertë kontabël të autorizuar, miratohen nga Asambleja me shumicë votash (shumicë që përfaqëson më shumë se 1 / 2 e kapitalit të shoqërisë).

Miratimi i dokumentave mbi veprimtarinë vjetore të Shoqërisë bëhet brenda një afati prej tre muajsh nga dita e mbylljes së viti financiar.

**Titulli VI**  
**Dividentet dhe Kalimi i Fitimeve ne Kapitalin Themeltar**

**Neni 25**  
**Dividentët**

- Pas plotësimit të parashikimeve të nenit 77 të Ligjit, Shoqëria me shumicë të kualifikuar të votave të Asamblesë së Përgjithshme mund të deklarojë shpërndarjen e dividentëve në përputhje me të drejtat përkatëse të ortakëve.
- Me përashtim të rasteve kur parashikohet ndryshe nga të drejtat që lidhen me kuotat, të gjithë dividentët deklarohen dhe paguhen në përputhje me shumat e paguara për kuotat për të cilët paguhet dividenti. Të gjithë dividentët pjesëtohen dhe paguhen në përpjestim të drejtë me shumat e paguara për kuotat, pjesës ose pjesëve të periudhës për të cilën paguhet dividenti; në rast se kuota emetohet me kushtin e përfitimit të dividentit nga një datë e caktuar, dividenti do të paguhet në përputhje me këtë kusht.
- Asnjë divident ose pagesë në para që lidhet me një kuotë nuk do të marrë interesa ndaj shoqërisë nëse nuk parashikohet nga të drejtat që lidhen me kuotën.
- Çdo divident që nuk është kërkuar të paguhet brenda dymbëdhjetë vjetëve nga data e maturimit, në rast se vendoset me shumicë të kualifikuar votash nga Asambleja e Përgjithshme, do të përfitohet nga shoqëria e cila nuk do të jetë më e detyruar që ta paguajë atë.

**Neni 26**  
**Kalimi i Fitimeve në Kapitalin Themeltar**

Administratori, pas vendimit të marrë nga Asambleja e Përgjithshme me shumicë të kualifikuar votash dhe duke pasur parasysh parimet e përcaktuara në nenin 14 të Ligjit mund të vendosë të kalojë në kapitalin themeltar të shoqërisë fitimet e pashpérndara të parashikuara për rezervat e kapitalit të shoqërisë.

## **Titulli VII Prishja dhe likuidimi**

### **Neni 27**

Shoqëria prishet në të gjitha rastet e parashikuara nga ligji. Shoqëria mund të prishet në çdo kohë nga Asambleja e Përgjithshme shoqërisë kur për këtë vendosin ortakët të cilët përfaqësojnë jo më pak se 2/3 e kapitalit të shoqërisë.

### **Neni 28**

Shoqëria hyn në likujdim në momentin e prishjes së saj. Asambleja e Përgjithshme do të përcaktojë modalitetet e likujdimit si dhe do të emërojë një ose më shumë likuidatorë. Likuidimi i shoqërisë do të bëhet sipas dispozitave ligjore.

## **Titulli VIII Mardhëniet e punës**

### **Neni 29**

Mardhëniet e punës midis shoqërisë dhe të punësuarve do të përcaktohen nga kontrata individuale dhe kolektive e punës. Për ato çka nuk parashikohet në këto kontrata do të zbatohet legjislacioni ekzistues i punës.

## **Titulli IX Kompetenca gjyqësore**

### **Neni 30**

Çdo mosmarëveshje që mund të lindë lidhur me interpretimin e këtij statuti apo akteve të tjera të shoqërisë, ose mosmarëveshjet që mund të lindin gjatë ushtrimit të aktivitetit të shoqërisë do të zgjidhen me mirëkuptim. Në rast se ky nuk arrihet kompetente për zgjidhjen e tyre do të jetë Gjykata e Rrethit Gjyqësor Tiranë.

### **Neni 31 Njoftimet**

- Njoftimet e kryera nga çdo person sipas parashikimeve të Statutit , duhet të jenë me shkrim ose (nëse zbatohet) nëpërmjet komunikimit elektronik në adresën e parashikuar për këtë qëllim dhe personin që kryen njoftimin.
- Shoqëria mund të njoftojë një ortak personalisht ose duke i dërguar njoftimin me letër porosi me kthim përgjigje në adresën e regjistruar të Ortakëve ose në adresën apo postën elektronike ( nëse ka) që i është njoftuar shoqërisë nga Ortakët. Kur ka disa

bashkëzotërues të një kuote të gjitha njoftimet i jepen përfaqësuesit të tyre të përbashkët në përputhje me pikën 2 të nenit 72 të ligjit.

- Ky statut së bashku me ndryshimet dhe të gjitha dokumentat e tjera , raportet, komunikimet dhe procesverbalet e dhëna nga shoqëria do të publikohen nga administratori në faqen e internetit të shoqërisë , sipas parashikimeve të pikës 2 të nenit 4 të këtij Statuti ( nëse zbatohet).

**Të tjera**

Cdo gjë tjeter, e cila nuk është përmendur në këtë statut, do të rregullohet nga dispozitat e Ligjit për Tregtarët dhe Shoqëritë Tregtare.

**Titulli X  
Dispozita të përgjithshme**

**Neni 30**

Për atë çka nuk është thënë shprehimisht në këtë statut do të referohet në ligjin 9901, dt. 14.4.2008 “Për tregtarët dhe shoqëritë tregtare”, Kodin Civil, si dhe në ligje të tjera Shqiptarë në fuqi.

**ORTAKËT THEMELUES**

**JULIANA ALLIU**



**MIRA PACANI**



**TATJANA BICA**

